



ՀԱՍՏԱՏՈՒՄ ԵՄ՝
Շրջակա միջավայրի նախարար



Հակոբ Սիմիդյան

« 08 » 05 2025 թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 121 - 25

Նախաձեռնող՝

«ԴԱՎԱ ՇԻՆՏՐԵՍ» ՍՊԸ
Վաղարշապատ, Խորենացի փ. 68

Գործունեությունը՝

Հոկտեմբերյանի խմբի ԱԿԳԽ հանքավայրի Ջանֆիդա
տեղամասից օգտակար հանածոների
արդյունահանում
Արմավիրի մարզ

Առդիր՝ 7 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ԿՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 121 - 25

« 08 » Մայիսի 2025 թ.

**«ԴԱՎԱ ՇԻՆՏՐԵՍ» ՍՊԸ-ի կողմից Արմավիրի մարզի Հոկտեմբերյանի
ավազակոպճագլաքարային խառնուրդի հանքավայրի Ջանֆիդա տեղամասից
օգտակար հանածոյի արդյունահանման աշխատանքների շրջակա միջավայրի վրա
ազդեցության գնահատման հաշվետվություն**

Նախաձեռնող՝

«ԴԱՎԱ ՇԻՆՏՐԵՍ» ՍՊԸ

Փաստաթղթերի փաթեթ՝

Շրջակա միջավայրի վրա ազդեցության
գնահատման հաշվետվություն,
նախագծային փաստաթուղթ

Գործունեության տեսակ
Գտնվելու վայրը՝

«Ա» կատեգորիա
Արմավիրի մարզ, Մեծամոր համայնք
Ջանֆիդա բնակավայր

Ներածական մաս. «ԴԱՎԱ ՇԻՆՏՐԵՍ» ՍՊԸ-ի կողմից նախատեսվում է Արմավիրի մարզի Հոկտեմբերյանի ավազակոպճագլաքարային խառնուրդի հանքավայրի Ջանֆիդա տեղամասից (այսուհետ՝ տեղամաս) իրականացնել օգտակար հանածոյի արդյունահանման աշխատանքներ: Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 3-րդ մասի 2-րդ կետի «թ» ենթակետի՝ նախատեսվող գործունեությունը «Ա» կատեգորիայի գործունեության տեսակ է:

Հայցվող տարածքի մակերեսը 8,5 հա է: Ըստ հաշվետվությունում նշված տեղեկատվության՝ հայցվող տարածքի 04-083-0201-0055 ծածկագրով հողամասի մակերեսը կազմում է 4,0609 հա, նպատակային նշանակությունը՝ արդյունաբերության, ընդերքօգտագործման և այլ արտադրական նշանակության, գործառնական նշանակությունը՝ արդյունաբերական օբյեկտների, գրանցված իրավունքի տեսակը՝ վարձակալություն, 04-083-0201-0054 ծածկագրով հողամասի մակերեսը՝ 0,3 հա, նպատակային նշանակությունը՝ արդյունաբերության, ընդերքօգտագործման և այլ



Ջանֆիդա տեղամասի օգտակար հանածոյի շերտի միջին հզորությունը կազմում է 6,86 մ: Տեղամասում հողաբուսական շերտը բացակայում է, քանի որ հանքավայրի տարածքը նախկինում շահագործվել է:

Բացահանքի ցուցանիշերն են՝

- կորզվող պաշարները վերջնական եզրագծում՝ 288349,3 մ³,
- տարեկան կորզվող պաշարները՝ 72087,3 մ³,
- մակաբացման ապարների տարեկան ծավալը՝ 0 մ³,
- մշակման միջին խորությունը՝ 3,6 մ,
- ընդհանուր օտարման տարածքը՝ 8,5 հա,
- աշխատանքային օրերի թիվը՝ 260 օր, օրական մեկ 8-ժամյա աշխատանքային հերթափոխով:

Լեռնային աշխատանքների կազմակերպման և ավագակոպճագլաքարային խառնուրդի արդյունահանումն իրագործելու նպատակով կատարվելու են նախապատրաստական աշխատանքներ՝ մոտեցող ավտոճանապարհի կարգաբերում՝ 1325 մ², արտադրական հրապարակի կարգաբերում՝ 3000 մ²:

Տեղամասի լեռնատեխնիկական պայմանները բավականին բարենպաստ են այն բաց եղանակով մշակելու համար: Հանքավայրի մշակումը նախատեսվում է իրականացնել միակողմանի, համատարած, ներքևից շերտիման մշակման համակարգով: Հանույթային աշխատանքներն իրականացվելու են էքսկավատոր - ավտոինքնաթափ համալիրով: Արդյունահանված օգտակար նյութածոն տեղափոխվելու է տարածքում մոտ 850 մ հեռավորության վրա գտնվող ՋՏ կայանը: Պատրաստի հումքը



կապահետավորվի արտադրական հրապարակի 150 մ² մակերեսով տարածքում: Արտադրական հրապարակից ավագը տեղափոխվելու է սպառողների ավտոինքնաթափերով:

Ջանֆիդայի ավազակոպճագլաքարային խառնուրդի հանքավայրի երկրաբանական կառուցվածքում մասնակցում են ժամանակակից ջրաբերուկային նստվածքները, ավազն ու կոպճագլաքարերը, ինչպես նաև ուշ չորրորդական հասակի ավազակավային ապարները: Օգտակար հաստաշերտը ներկայացված է տարահատիկ ավազներով և տարբեր մեծությամբ կոպճագլաքարերով: Օգտակար հանածոն ներկայացված է ավազակոպճագլաքարային խառնուրդով, որի հզորությունը կազմում է միջինը՝ 3,6 մ:

Արդյունահանման աշխատանքների ավարտին կիրականացվի խախտված տարածքների ռեկուլտիվացիա, որի մակերեսը կազմում է 8,8 հա: Համաձայն Կառավարության 2017 թվականի դեկտեմբերի 14-ի N 1643-Ն որոշման պահանջների, որպես խախտված հողերի ռեկուլտիվացման ուղղություն ընտրվել է շինարարական ուղղությունը՝ հաշվի առնելով հայցվող տարածքում հողի բերրի շերտի բացակայությունը: Քանի որ հանքավայրի տարածքը նախկինում շահագործվել է, հողաբուսական շերտը բացակայում է, ուստի կենսաբանական ռեկուլտիվացիայի իրականացումը հնարավոր չէ: Ռեկուլտիվացիոն աշխատանքների արժեքը, ըստ հաշվարկների, կկազմի 1644355,7 ՀՀ դրամ, որը հատկացվելու է շրջակա միջավայրի պահպանության դրամագլխին Կառավարության 2021 թվականի հոկտեմբերի 21-ի N 1733-Ն որոշմամբ սահմանված ընթացակարգով:

Աշխատանքներն իրականացնելիս բնառեսուրսներից օգտագործվելու է ջուր, որը տարածք է բերվելու պայմանագրային հիմունքներով՝ տեխնիկական ջուրը՝ ջրցանվաճող ավտոմեքենայով, իսկ խմելունը՝ ավտոցիստեռնով: Տարածքում առաջացող կենցաղային կեղտաջրերը կուտակվելու են բետոնապատ, անջրթափանց զուգարանում, որտեղից հեռացվելու են պայմանագրային հիմունքներով՝ մասնագիտացված կազմակերպության կողմից: Շահագործման ընթացքում հնարավոր է նաև բիոզուգարանների տեղադրում: Տեխնիկական ջուրը օգտագործվելու է ջարդման-տեսակավորման գործընթացում՝ հումքի լվացման, փոշենստեցման և շրջանառու համակարգի լրասնուցման համար: Արտադրական հոսքաջրերը ուղղվելու են պարզեցման ավազան և մաքրումից հետո վերադառնալու են արտադրություն: Աղտոտող նյութերի արտահոսք բաց ջրավազաններ տեղի չի ունենալու: Հումքը ենթարկվելու է առաջնային ջարդման այտավոր ջարդիչում: Ջարդված ապարը տրվելու է քարմաղման՝ չոր եղանակով, որի արգասիքների մի մասը կազմում է խոշոր ֆրակցիան: Այն անցնելու է ռոտորային ջարդիչ, այնուհետև՝ քարմաղման: Դասակարգումը իրականացվելու է թաց եղանակով: Արդյունքում ստացվելու է 3 դասի խիճ և ավազ: Մանր դասը խյուսի տեսքով ուղղվելու է պարզարան, որտեղից պարզվածքը վերադարձվելու է դասակարգիչ:

Պատճառաբանական մաս. Փորձաքննության գործընթացում, ՀՀ օրենսդրությամբ սահմանված կարգով, ազդակիր համայնքում (Ջանֆիդա բնակավայր) անցկացվել է



հանրային լսում: Հանրային լսման մասնակիցները հավանություն են տվել նախատեսվող գործունեության իրականացմանը:

Ընկերությունն իր պատրաստակամությունն է հայտնել պարբերաբար հանդիպել համայնքի ղեկավարների հետ, քննարկել անհրաժեշտ օգնության ծրագրերը և համպատասխան ֆինանսական ներդրումներ կատարել համայնքի բյուջե, ինչպես նաև համայնքում իրականացվող աշխատանքներին օժանդակելու նպատակով տրամադրել տեխնիկական միջոցներ:

Շրջակա միջավայրի բաղադրիչների վրա վնասակար ազդեցության մեղմացման/ բացառման նպատակով նախատեսվել են մի շարք բնապահպանական միջոցառումներ.

➤ փոշեգոյացումը բացառելու կամ նվազագույնի հասցնելու նպատակով ճանապարհների, աշխատանքային հրապարակի ինտենսիվ ջրցան տարվա դրական ջերմաստիճանի դեպքում՝ չոր և տաք եղանակին՝ օրական 3 անգամ,

➤ կենցաղային աղբի հավաքում հատուկ անթափանց տարաների մեջ և տեղափոխում մոտակա աղբավայր՝ համապատասխան ծառայությունների հետ կնքված պայմանագրի համաձայն,

➤ շահագործվող տեխնիկայից արտանետումները նվազեցնելու նպատակով ֆիլտրերի և կատալիտիկ չեզոքացուցիչների տեղադրում,

ջրային ռեսուրսների պահպանության նպատակով մակերևութային հոսքաջրերի բացառում, կեղտաջրերի հավաքում և հեռացում,

➤ շահագործվող տեխնիկայի շարժիչների կարգավորում և մեքենաների շարժիչների կահավորում խլացուցիչներով՝ աղմուկի մակարդակը նվազեցնելու նպատակով,

➤ հողային ռեսուրսների պահպանության նպատակով տեխնիկական միջոցների սպասարկումն իրականացվելու է հանքավայրի սահմաններից դուրս՝ սպասարկման մասնագիտացված կետերում,

➤ խախտված տարածքների ռեկուլտիվացիա՝ աշխատանքների ավարտից հետո:

Տեղամասի շահագործման ընթացքում «Դավա շինտրեստ» ՍՊԸ-ն նախատեսում է իրականացնել շրջակա միջավայրի վրա բացասական ազդեցությունների կանխարգելմանն ու մեղմացմանն ուղղված հետևյալ մշտադիտարկումները՝

1. մթնոլորտ արտանետումների (ածխածնի օքսիդ, ածխաջրածիններ, ազոտի երկօքսիդ, մուր, ծծմբային անհիդրիդ, փոշի) պարբերական չափումներ՝ ամսական մեկ անգամ,

2. աղմուկի և թրթռումների մակարդակի պարբերական չափումներ՝ ամսական մեկ անգամ,

3. լեռնատրանսպորտային սարքավորումների աշխատանքային վիճակի, մասնավորապես՝ չեզոքացուցիչ սարքավորումների վիճակի մշտադիտարկումներ՝ տարեկան 4 անգամ,

4. բացահանքի հարակից տարածքներում հողային ծածկույթի մշտադիտարկում, նմուշառում, նմուշի լաբորատոր հետազոտություն, տարեկան մեկ անգամ,



օգտագործված մեքենայական յուղերով ու քսայուղերով հողերի աղտոտվածության մշտադիտարկումներ՝ ամենօրյա զննման միջոցով,

5. կենսաբազմազանության մշտադիտարկում՝ նվազագույնը երկու տարին մեկ անգամ:

Շրջակա միջավայրի վրա բացասական ազդեցության կանխարգելմանն ու մեղմացմանն ուղղված մշտադիտարկումների իրականացման նպատակով նախատեսվում է տարեկան մասնահանել 800000 (ութե հարյուր հազար) ՀՀ դրամ:

Հանքի փակման աշխատանքների ընթացքում և փակումից հետո ևս նախատեսվում է իրականացնել մշտադիտարկումներ: Մշտադիտարկումների իրականացման ծրագիրը շահագործման աշխատանքների ավարտից 2 տարի առաջ ենթակա է վերանայման՝ հանքի փակման վերջնական ծրագրին համապատասխան:

Նախատեսվող գործունեության փորձաքննությունն իրականացվել է «Շրջակա միջավայրի վրա ազդեցության գնահատման և փորձաքննության մասին» օրենքի պահանջներին համապատասխան:

Եզրակացությունը կազմելիս հաշվի են առնվել պետական կառավարման մարմիններից՝ առողջապահության, ներքին գործերի, կրթության, գիտության, մշակույթի և սպորտի նախարարություններից, կադաստրի կոմիտեից և շրջակա միջավայրի նախարարության ստորաբաժանումներից ստացված կարծիքները:

Նախատեսվող գործունեության ընթացքում բոլոր աշխատանքները նախատեսված են ՀՀ օրենսդրության պահանջներին համապատասխան:

Բնապահպանական բոլոր միջոցառումներն արտացոլված են բնապահպանական կառավարման և մշտադիտարկումների իրականացման պլաններում:

Փորձաքննական պահանջներ

Նախատեսվող գործունեության իրականացման ընթացքում անհրաժեշտ է՝

1. առաջնորդվել «Մթնոլորտային օդի պահպանության մասին» օրենքի պահանջներով՝ փոշու և վնասակար արտանետումների տարածումը կանխարգելելու նպատակով, անբարենպաստ օդերևութաբանական պայմանների առաջացման դեպքում ապահովել լրացուցիչ կանխարգելիչ միջոցառումների իրականացում,

2. իրականացնել շրջակա միջավայրի բաղադրիչների (հողային ծածկույթ, օդի որակ, աղմուկ, ջրային ռեսուրսներ, կենսաբազմազանություն) մշտադիտարկումներ՝ Կառավարության 2018 թվականի փետրվարի 22-ի N 191-Ն որոշմամբ սահմանված պահանջներին համապատասխան,

3. թափոնների գործածությունն (հավաքում, փոխադրում, տեղադրում, պահում, հեռացում և այլն) իրականացնել «Թափոնների մասին» օրենքի պահանջներին համապատասխան,



4. աշխատանքների ավարտից հետո իրականացնել ռեկուլտիվացիա՝ ՀՀ օրենսդրությամբ սահմանված կարգով,

5. ապահովել միջհամայնքային և դաշտամիջյան ճանապարհների անցանելիությունը և բացառել որևէ բացասական ազդեցություն,

6. ապահովել հաշվետվությունում ներկայացված բնապահպանական կառավարման պլանում և մշտադիտարկումների ծրագրում ամրագրված բոլոր միջոցառումների իրականացումը:

ԵԶՐԱՓԱԿԻՉ ՄԱՍ

«ԴԱՎԱ ՇԻՆՏՐԵՍ» ՍՊԸ-ի կողմից ներկայացված՝ Արմավիրի մարզի Հոկտեմբերյանի ավազակոպճագլաքարային խառնուրդի հանքավայրի Զանֆիդա տեղամասի արդյունահանման աշխատանքների շրջակա միջավայրի վրա ազդեցության գնահատման հաշվետվությանը տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի տնօրենի
Ժամանակավոր պաշտոնակատար՝



Սևակ Մարկոսյան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի տեղակալ՝

Հերիքնազ Մկրտչյան